



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08) i člana 57. stav (2) Zakona o izvršavanju Budžeta Unsko-sanskog kantona („Službeni glasnik Unsko-sanskog kantona“, broj: 1/26) a u vezi sa Odlukom o kriterijima i načinu raspodjele sredstava Budžeta Unsko-sanskog kantona za 2026. godinu budžetski korisnik Vlada Unsko-sanskog kantona – Kapitalni grantovi drugim nivoima vlasti, objavljuje se:

## JAVNI POZIV

za raspodjelu sredstava utvrđenih u Budžetu Unsko-sanskog kantona za 2026. godinu budžetskog korisnika Vlada Unsko-sanskog kantona sa pozicije Kapitalni grantovi drugim nivoima vlasti

### PREDMET JAVNOG POZIVA

Prikupljanje prijava jedinica lokalne samouprave za finansiranje/sufinansiranje projekata (započetih i planiranih) od značaja za lokalne samouprave.

### SREDSTVA ZA IMPLEMENTACIJU

Sredstva za implementaciju obezbjeđena su u Budžetu Unsko-sanskog kantona za 2026. godinu kod budžetskog korisnika Vlada Unsko-sanskog kantona (u daljem tekstu: Vlada Kantona) u razdjelu 11, glava 01, potrošačka jedinica 0001, ekonomski kod 615100, subanalitika BAS009, funkcija 0111 – Kapitalni grantovi drugim nivoima vlasti iznosu od 2.500.000,00 KM (slovima: dvaipomilionakonvertibilnih maraka).

### PRAVO UČEŠĆA

Pravo učešća imaju jedinice lokalne samouprave Unsko-sanskog kantona za finansiranje/sufinansiranje projekata (započetih i planiranih) od značaja za jedinice lokalne samouprave (JLS) i to za:

#### **Sanacija, modernizacija i izgradnja:**

- infrastruktura (putevi, mostovi, zaštitni i potporni zidovi, kružni tokovi, parkirališta, pješačke i biciklističke staze, sanacija klizišta, građevine od sportskog značaja i sl.)
- komunalna infrastruktura (vodovod i kanalizacija, javna rasvjeta i sl.)

### KRITERIJI ZA RASPODJELU

Raspodjela sredstava na osnovu dostavljenih projektnih prijedloga jedinica lokalne samouprave za koje se utvrdi da ispunjavaju formalno-pravne uslove, da su blagovremeni i potpuni, izvršit će se po kriterijima kako slijedi:

RB	Kriterij	Uslovi	Broj bodova	Izvor verifikacije (dostavljena dokumentacija)
1.	Razvijenost jedinica lokalne samouprave	Izrazito nerazvijene JLS	3	Uredba o izradi indeksa razvijenosti u F BiH, Federalni zavod za programiranje razvoja
		Nerazvijene JLS	2	
		Razvijene JLS	1	
2.	Razvijenost projekta	Pokrenut postupak javne nabavke	3	Prijavni obrazac
		Nije pokrenut postupak javne nabavke	1	
3.	Vlastito učešće	50% i više	3	Izjava o realizaciji projekta
		do 49%	1	

Maksimalan iznos sredstava koji se može odobriti jedinicama lokalne samouprave po jednom projektu iznosi 100.000,00 KM (slovima: stotinhiljadakonvertibilnih maraka).

### **PRIJAVA NA JAVNI POZIV I POTREBNA DOKUMENTACIJA**

- (1) Sredstva se dodjeljuju na osnovu Javnog poziva kojeg raspisuje Vlada Kantona, a koji se objavljuje na web stranici Vlade Kantona: [www.vladausk.ba](http://www.vladausk.ba).
- (2) Prijava se podnosi putem Prijavnog obrazca (Prilog I) koji se preuzima direktno sa web stranice Vlade Kantona [www.vladausk.ba](http://www.vladausk.ba) (popunjen, potpisan i ovjeren od strane podnosioca prijave), koji je sastavni dio Javnog poziva.
- (3) Uz prijavni obrazac potrebno je dostaviti sljedeću dokumentaciju:
  - a) Izjava o realizaciji projekta (Prilog II) se preuzima direktno sa web stranice Vlade Kantona [www.vladausk.ba](http://www.vladausk.ba) (popunjena, potpisana i ovjerena od strane podnosioca prijave), koji je sastavni dio Javnog poziva.
  - b) Instrukcije za uplatu (broj računa, vrsta prihoda).
- (4) Jedinice lokalne samouprave mogu aplicirati sa više projekata podnošenjem prijave za svaki projekat odvojeno sa pratećom dokumentacijom.

### **NAČIN PODNOŠENJA PRIJAVE**

- (1) Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

Vlada Unsko-sanskog kantona, Ul. Alije Đerzeleza br.2, 77 000 Bihać,  
s naznakom

*Prijava po Javnom pozivu*  
„Kapitalni grantovi drugim nivoima vlasti i fondovima 2026.“

**„NE OTVARAJ“.**

- (2) Rok za podnošenje prijave je **15 (petnaest) dana** od dana objave Javnog poziva.
- (3) Neće se uzeti u razmatranje prijave podnosioca:
  - a) koje su neblagovremene (dostavljene nakon isteka roka određenog Javnim pozivom)
  - b) čiji projekti nisu u skladu sa namjenom definisanom u djelu „PRAVO UČEŠĆA“.

## **POSTUPAK RAZMATRANJA PRIJAVA**

- (1) Dostavljene prijave po Javnom pozivu razmatra Komisija koju rješenjem imenuje premijer Kantona i koju čine tri člana.
- (2) Komisija iz stava (1) ovog člana vrši analizu ispunjenosti formalno-pravnih uslova, dostavljenih prijava u skladu sa Javnim pozivom te bodovanje u skladu sa utvrđenim kriterijima.
- (3) U Izvještaju o provedenom postupku po Javnom pozivu, koji se dostavlja premijeru Kantona navodi se:
  - a) lista podnosilaca prijava koje ispunjavaju formalno-pravne uslove sa brojem ostvarenih bodova na temelju utvrđenih kriterija i
  - b) lista podnosilaca prijava čije su prijave neblagovremene, nepotpune i neosnovane.
- (4) Prijave dostavljene nakon isteka roka za dostavu vraćaju se neotvorene.
- (5) Prijave koje nisu kompletno popunjene i koje ne sadrže zahtjevanu dokumentaciju, biti će odbačene i neće biti predmet daljeg razmatranja.
- (6) Premijer Kantona utvrđuje konačnu rang listu podnosilaca prijava i dostavlja Vladi Kantona prijedlog Odluke o usvajanju Programa utroška sredstava Budžeta Unsko-sanskog kantona na razmatranje.
- (7) Premijer Kantona zadržava pravo da u slučaju da iznos sredstava na konačnoj rang listi pređe ukupan iznos odobrenih sredstava predloži Vladi Kantona odobravanje sredstava za one projektne prijedloge za koje ocijeni da će imati/dati značajniji dobrinos razvoju lokalne zajednice i Unsko-sanskog kantona.

## **UGOVOR O DODJELI SREDSTAVA I ROK ZA IMPLEMENTACIJU**

- (1) Nakon donošenja Odluke o usvajanju Programa utroška sredstava Budžeta Unsko-sanskog kantona premijer Kantona sa odabranim korisnicima zaključuje ugovor o dodjeli sredstava (u daljem tekstu: Ugovor).
- (2) Ugovor iz stava (1) ovog člana sadrži: ugovorne strane, predmet i cilj ugovora, odobreni iznos sredstava i doznačavanje, izvještaj o namjenskom utrošku sredstava, obaveze i odgovornosti ugovornih strana, trajanje i raskid ugovora i ostale odredbe.
- (3) Rok za okončanje implementacije projekta je **12 mjeseci od dana doznačavanja sredstava korisniku sredstava.**

## IZVJEŠTAVANJE O UTROŠKU SREDSTAVA

- (1) Korisnici sredstava su dužni pravdati utrošak dodijeljenih sredstava.
- (2) Pravdanje se vrši **za svaki projekat pojedinačno**, odgovarajućom dokumentacijom koja se dostavlja premijeru Kantona, i to:
  - a) Izvještaj o utrošku sredstava (narativni i finansijski) u kojem će biti objašnjen tok implementacije projekta i utrošena sredstva, potpisan i ovjeren od strane Korisnika sredstava;
  - b) Izjava gradonačelnika/načelnika o namjenskom utrošku sredstava ovjerena kod nadležnog gradskog/općinskog organa;
  - c) Ugovor sa odabranim najpovoljnijim ponuđačem (ovjerena kopija);
  - d) Račune;
  - e) Fotodokumentacija;
  - f) Dokaz da je u komunikacijskim aktivnostima, promocijama, publikacijama, video i štampanim materijalima od strane Korisnika sredstava istaknuto da je Projekat finansirala/sufinansirala Vlada Kantona.
  - g) Kopija izvoda iz banke na kojima je pored uplaćenih iznosa vidljiva svrha plaćanja.
- (3) Rok za dostavu izvještaja je **najkasnije 15 dana od dana isteka roka za implementaciju projekta** definisanog u djelu „UGOVOR O DODJELI SREDSTAVA I ROK ZA IMPLEMENTACIJU“.
- (4) Ukoliko Korisnik sredstava ne dostavi Izvještaj o utrošku sredstava ili nenamjenski utroši sredstva, pokreće se zakonom propisan postupak za povrat finansijskih sredstava.
- (5) Svako korištenje odobrenih sredstava suprotno namjenama utvrđenim ovim Javnim pozivom smatrat će se nenamjenskim utroškom.
- (6) O utrošenim sredstvima premijer Kantona će u skladu sa Odlukom o usvajanju programa utroška, a nakon dostavljanja Izvještaja o utrošku sredstava od strane Korisnika sredstava, izvjestiti Vladu Kantona.

## DODJELA SREDSTAVA I PONIŠTENJE JAVNOG POZIVA

- (1) Projekti jedinica lokalne samouprave će se finansirati/sufinansirati sredstvima Vlade Kantona u skladu sa kriterijima i raspoloživim finansijskim sredstvima.
- (2) U postupku po Javnom pozivu Vlada kantona zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.
- (3) U slučaju nedostatka sredstava u Budžetu Kantona obustavlja se realizacija dodjele sredstava.
- (4) Vlada Kantona ne snosi troškove nastale u vezi sa prijavom na Javni poziv.
- (5) Prispjela dokumentacija će se vratiti podnosiocima prijave samo na psimeni zahtjev u slučajevima utvrđenim u stavu (2) i (3).

Broj: 03/1-11-7750-1/26  
Datum: 23.06.2026.

